

AUGLÝSING

um takmarkanir á innflutningi matvæla frá Sovétríkjunum, Póllandi, Búlgaríu, Rúmeníu, Ungverjalandi og Tékkóslóvakíu.

1. gr.

Innflutningur matvæla frá Sovétríkjunum, Póllandi, Búlgaríu, Ungverjalandi, Rúmeníu og Tékkóslóvakíu er háður eftirtöldum skilyrðum:

1. Heilbrigðisvottorð skulu fylgja hverri matvælasendingu.
2. Innflutningsaðilum, sem hyggjast flytja inn matvæla frá ofangreindum löndum er skylt að tilkynna það til Hollustuverndar ríkisins.
3. Hollustuvernd ríkisins skal viðurkenna heilbrigðisvottorð fyrir matvælasendingar frá ofangreindum löndum áður en vörunum er dreift til sölu.

2. gr.

Í heilbrigðisvottorðum skal koma fram að varan hafi verið mæld með tilliti til geislavirkni og hvaða viðmiðunarmörk séu höfð til hliðsjónar þegar geislavirkni er metin. Skulu heilbrigðisvottorð að öðru jöfnu gefin út af opinberum aðilum í því landi þar sem varan er framleidd, eða því landi sem varan er flutt frá hingað til lands.

3. gr.

Matvæli sem sannanlega eru framleidd eða unnin úr hráefni, sem framleitt var fyrir 26. apríl 1986, eru undanþegin ákvæðum þessarar auglýsingar.

4. gr.

Hollustuvernd ríkisins hefur að höfðu samráði við heilbrigðiseftirlit sveitarfélaga og Geislavarnir ríkisins eftirlit með framkvæmd auglýsingar þessarar.

5. gr.

Auglýsing þessi sem birt er samkvæmt 6. gr. laga nr. 24/1936, um tilbúning og dreifingu matvæla og annarra neyslu- og nauðsynjavara, sbr. lög nr. 109/1984, um hollustuhætti og heilbrigðiseftirlit öðlast þegar gildi. Jafnframt fellur úr gildi auglýsing nr. 249 frá 2. maí 1986, um bann við innflutningi á matvælum frá Sovétríkjunum, Póllandi, Búlgaríu, Ungverjalandi, Rúmeníu og Tékkóslóvakíu.

Heilbrigðis- og tryggingamálaráðuneytið, 7. nóvember 1986.

Ragnhildur Helgadóttir.

Ingimar Sigurðsson.

B 79